

五排
五元
新體

外集
標

石洲集
秋



石洲集卷之五

五言排律

奉寄車五山吟契二十八韻

有美文章伯。聲華溢大苞。佳詞知吐鳳。雄筆見騰蛟。雅健凌韓杜。酸寒笑島郊。麗時偏旖旎。奇處極牙聲。截鵠流星劍。穿楊偃月弓。高風起頽隕。雅量滌昏憒。鸛鶚青雲路。驂騑白玉鞘。忽驚身蹭蹬。可奈謗魑魅。犀首終無事。楊雄已解朝。唯應攬宿莽。未用索瓊茅。小子蒙前袂。微才似斗筲。顛瞑長勿勿。狂簡漫嘐嘐。入室香薰鼻。趨

風汗被骸暮江烟漠漠春館鳥咬咬逸興詩盈
卷清談酒滿甌望洋多海若覆水愧堂坳醉態
後人罵新篇任客抄俗情疑楚璧世路劇秦嶠
萬事風中絮殘生水上沱行裝挑竹杖活計海
棠巢聚散頭如鶴艱危泣似鮫竄身愁羽檄避
地怯鳴鶻水伴鳬鷺宿風聞虎豹咆窮途雖少
暇舊習未全拋雪棹期相訪雲舸許再敲無論
一日長已是十年交義重同介葛情深比漆膠
朴思歲又換春色上梅梢

奉別吳都司

宗道三十韻

暨暨當朝傑堂堂間世英詩書初學道韜略偶
成名雅量人皆服高標孰與涼才堪調鼎鼎志
在掃撓擄壯氣風雲動孤忠日月明驥蹄香玉
軟鷹翻碧霄晴駟騎辭秦塞樓船擁楚兵先聲
驅乳贗餘勇掣奔鯨巨猾雖云斃妖氛未盡清
分符防絕海留節鎮孤城令肅轅門靜人和邑
里平英明通物理慈惠得民情玉帳經年駐春
天萬里征觀光宣士女戀德泣孤惇勲業期他
日安危在此行看金印大還恐雪山輕海雨
連營幕江風捲旆旌去應催畫鷁歸及聽啼鸞

賤子為何者窮途笑此生自甘無事飲誰識不
平鳴濫辱招賢禮深紆下士誠掃臺迎郭隗虛
坐引侯嬴感激情彌切蒼茫意自驚蒯綰終有
托珠履一何榮別恨還千種前途更幾程碧幢
翻日影盡角雜波聲祖席依依展離觴細細傾
灰心不盈寸霜髮欲添莖記室非何遜軍謀愧
子荆未酬知己分回首淚縱橫

吳郡司別章代江華府使作十韻

帝命詩書將東征鎮海隅才高為世用名重應
時須妙略超千古威聲動九區指揮安鰈域光

彩照龜趺鼓角樓船遠風烟海戍孤此行臨絕
徼終要展奇圖偶爾茲卽署居然佩郡符掃門
供執役負弩作先驅鄭重驚深眷龍鍾愧薄軀
百年懷感激長覓報恩珠

尹攸丞壽挽章八韻

朝野多艱日乾坤再造辰方將恢大業忽復喪
斯人宿昔登黃閣周旋捧紫宸世稱雙白璧家
有十朱輪士論茲為重天恩久益新如何歸厚
夜不可問蒼旻素幙風翻旄靈輜雨灑塵只應
良史筆垂耀在千春

一作唯餘麟閣
畫赫赫照千春

奉送月沙相公東還十六韻

國有無雙士公今第一人
妙年登玉署華譽奕
楓宸德望誠如此文章更絕倫
運籌酬造化揮翰潤絲綸
劔佩丹墀曉烟花紫禁春榮光承雨露符采照臣隣
受節龍鑪側乘槎鴨水濱
聖情終不倦殊錫向來頻
世事豈可料人情難具陳
縱然心許國爭奈病纏身
得喪無憂喜行藏
在屈伸踈慵叨末眷
剪拂荷深仁未作登門客
先為入幕賓
報恩當結草戀德已書紳
後會知何地離愁惜此辰
天涯無限淚沾洒望行塵

李端川

訥安

母氏挽章八韻

奕世家聲遠
宜人婦德恒
肅雍無與比
豪貴亦堪矜
院落笙歌夜
樓臺錦綉層
向來聯禁掖
何必問山陵
終始三後備
哀榮一代稱
歸魂應月殿
往事已風燈
有子能為後
論交早服膺
升堂百年約
中道忽無憑

賦得春日觀朝效唐朝省試體

丹極垂衣地
彤庭謁帝時
春深百子殿
花發萬年枝
肅肅鈞陳位
深深獻納司
曙鶯啼禁籞
晴柳拂旌旗
禮樂尊堯典
文章法漢儀
日高聞珮

響應在鳳凰池

宣宗昭敬大王挽詞十六韻代人作

嗣聖開新統膺期撫大東神謀參造化至道契
昭融禮樂於斯備文章興古隆洗誣光典冊恭
已接臣工布澤春何限掄才鏡至公庶頑歸一
德群目仰重瞳運極復中否戎生匪內訌暫勞
西塞駕遙控北宸宮克復寧無策憂勤實自躬
果然哀痛札能致廓清功日月重新後乾坤再
造中浯溪纔頌業鼎水忽遺弓雨紉催仙馭寒
笳咽曉風颭行兵衛肅奔哭里閭空肺附蒙殊

屋心期効小忠攀髯知莫及泣血向蒼穹

石洲集卷之六

五言絕句

昨夜

昨夜西園醉歸來對月眠曉風多意緒吹夢到
梅邊

秦始皇

焚書計太拙黔首豈曾愚竟放驪山塚還非詩
禮儒

醉贈李子善

長釵脫相贈酒危安足辭男兒然諾地頭白以

為期

江口早行

鴈鳴江月細
曉行蘆葦間
悠揚據鞍夢
忽復到家山

偶用三南韻

月黑風吹雪
驚鳥繞樹三
燈前萬里客
頭白滯江南

滴滴

滴滴眼中淚
盈盈枝上花
春風吹恨去
一夜到天涯

村居雜題二首

微雨乍晴後小桃初發時東風強作意吹折最高枝

柴扉啓曙烟芒屨躡朝日夜來山雨晴春蕨已堪斫

途中

日入投孤店山深不掩扉鷄鳴問前路黃葉向人飛

詠道傍廢宅

古宅何年廢墻垣半已傾空厨有殘粟白日鼠

縱橫

白蓮寺訪鄭德容林子慎

不識招提路天寒雪滿山
忽看烟起處知在亂松間

高陽途中見白骨感而作

攬蓬指枯骨問君何代人
微禽尚有墓為爾一

沾巾

道傍有俗傳
鷓鴣臺故云

九月初五把酒有作

江縣葉初墜山扉秋欲深
重陽知己迫人醉菊

花陰

簡李子敏

江漢春風起離懷又一年南飛有鴻鴈書札儻
相傳

附次韻

天涯病初起春晝靜如年此日花山子新詩
萬里傳

題騎驢圖為韓瑩中作

落日青驢背襟懷只自知暮雲千嶂雪何處不
宜詩

留子定宅邀子寬不至詩以代簡

石洲集卷之六
孤燭照寒夜小梅花半開清尊望夫子夫子胡
不來

室人勸我止酒詩以答之

數日留連飲今朝興又多卿言也復是奈此菊
枝何

有懷李實之

泥酒朝慵起尋詩夜少眠還憐李太守不在此
樽前

題畫六絕為韓宜仲作

春服初成後山蹊獨立時直復忘去路詩在好

花枝

右春

露髮烏巾小哦詩對曲塘
耽看荷色淨不覺柳陰涼

右夏

為愛霜楓晚維舟古樹根深
知垂釣意只是佐清尊

右秋

皎皎梅梢月清宵分外寒
猶嫌未奇絕更向水中看

右冬

秀色滿空天寧知是粉繪無論枝幹竒已似聽
寒籟

右古松

怪此蒼髯老長身醉不扶唯知直幹好杜子一
何愚

右倒松

城東梁子漸

慶寓舍次主人韻

背郭村墟小深秋獨掩關休言在城市簾外是

青山

附元韻

萬戶烟光紫
初陽已滿開
為憐清景早
欹枕看秋山

酒席贈梁子漸

會心為至樂
無事是良辰
偶得一尊酒
更逢千里人

題桐葉

晚携綠綺琴
愛此梧桐影
坐待月華生
夜深風露冷

十月二十一日
雨雪交下
雷電俱作

莫畫純陰卦休論七日来要知爻外易聽取雪中雷

寄傲軒次主人邊明叔韻

忘言長莫莫得意便由由盡日無人問江風吹白頭

石洲集卷之七

七言絕句

南山讌集歸路有作

十里烟花春近遠
一樽香碧玉東西
歸時月出重城閉
燈火千家路欲迷

征婦怨

交河霜落鴈南飛
九月金城未解圍
征婦不知郎已沒
夜深猶自搗寒衣

與子敏夢得夜登兩宜堂以西江月分韻

余得西字

江空水落露淒淒沙上鳴禽不安栖高閣捲簾
人夜語月輪移在海山西

送義上人之松都二首

六年辛苦已忘言萬事都歸不二門古寺翻經
秋又盡萬山紅葉自黃昏

空山木落鄉音寒溪古寺重來意自迷清坐一番
微雨歇夕陽依舊在吾西

寒食

城頭春酒賽神歸城外人家盡掩扉小雨霏霏
濕枯樹寒鴉噉得紙錢飛

寄具次

年年同賞禁城花
別後那堪度歲華
鴈不來
春又晚
一船風雨在天涯

附次韻

春雨冥濛欲放花
客窓癡坐感韶華
曉星寥落子規歇
夢斷江南天一涯

宿大津院

夕投孤館抱鞍眠
破屋疎簷仰見天
聽得厨人連曉語
艱難各說壬辰年

壬字平聲此用側讀
乃國音如杭州十字

例

題金吾卿郊居次元常丈人韻

孤村歲暮雪皚皚竹下柴扉午未開中酒擁衾
慵不起主人扶首勸餘盃

林居十詠

早春林木澹孤清無數山禽下上鳴昨夜無端
南澗雨澗邊多少草芽生

右早春

疎籬短短兩三家水滿池塘吠亂蛙山客夢回
山鳥語曉風催發碧桃花

右暮春

春事闌殘雨不來野田無水起黃埃老農清曉
開門出山下尋泉午未回

右悶旱

澗邊青草漸看長階上閑花滿意香蓬戶捲簾
終日雨小池鳬浴綠汪汪

右喜雨

避俗年來不過溪小堂分與白雲栖晴窓日午
無人到唯有山禽樹上啼

右無為

鳶魚飛躍太和中萬物浮沉一氣融春雨歇時

連草綠這般生意與人同

右觀物

林下清溪溪上亭亭邊無數亂峯青幽人醉卧
日西夕萬壑松風吹自醒

右溪亭

已將身世寄山樊俗客年來不到門四壁圖書
燈一盞此間真意欲忘言

右獨樂

此心非色亦非空方寸之間萬理融本地風光
誰解得向來都在寂然中

右觀心

世間萬事揔相忘
顏氏簞瓢味長清
曉卷書聊合眼
一簾微雨可燒香

右存養

馬上得詩

世事如今不管他
只將詩句了山河
可憐馬上平生得
持比劉翁果孰多

過鄭松江墓有感

空山木落雨蕭蕭
相國風流此寂寥
惆悵一盃難更進
昔年歌曲即今朝

公嘗有短歌道死後誰勸一盃酒之意

石洲集卷之十
四
餅梅

盡日巡簷意未闌
折來要向靜中看
孤燈照作橫斜影
水在玉餅春夜寒

湖西客舍

客牕燈火照虛涼
魂夢中宵繞北堂
記得短籬叢菊在
恐教歸日失重陽

題仙滄精舍

松下縈回一徑微
竹林高處見巖扉
山光水色自清絕
更被斜陽來發揮

次林子定韻贈山人

到無知處得真知始覺坐忘成坐馳報道西湖
林處士本來無笛若為吹

林詩云歸把祖家無
孔笛碧潭明月盡情

吹

初春

天邊梅柳又沾衣意落江南尚未歸夢裡茫茫
無限事回頭二十九年非

效香奩體

雲屏斜掩翠眉顰不恨紅顏只怨春
窓外綠簾簾外路路中多少斷腸人

抱兒有感

赤子胡然我念之曾聞為父止於慈白頭永隔
趨庭日忍想吾身似汝時

書懷

獻賦論兵心事違此生蓬累欲何依風塵滿眼
知音少海上千峯獨掩扉

醉贈秋娘

揚州一夢杳難追此地琴尊奉不期莫唱江南
斷腸曲向來存沒不勝悲

送玄翁歸湖南

聽雨江樓清夜深離情到此已難禁湖南去去

一千里他日相思何限心

附次韻

北極迢迢南斗深離懷垂老若為禁夜寒鴻
海生明月斟酌玄翁一片心

餽食鱸膾

長網擁出碧波間白雪堆盤解破顏巨口細鱗
風味好此行非但為名山

余之遊湖南也嘗四月喫蓴作一絕云
湖南佳致似江東此物多生野水中張
翰從來不知味歸帆何必待秋風今喫

鱸魚偶記此作因并錄

六月初五夜夢入古寺賦一絕覺而記得

滿林霜葉鬧秋聲
咽咽寒蛩到曉鳴
更有風泉

助蕭瑟

便教歸夢不分明

到曉鳴本作語夜不惱韻故改之

夢得一小冊乃金德齡詩集也其首一篇

曰醉時歌余三復得之其詞曰醉時歌

此曲無人聞我不要醉花月我不要樹

功勲樹功勲也是浮雲醉花月也是浮

雲醉時歌無人知我心只願長鈞奉明

君既覺悵然悲之為作一絕

將軍昔日把金戈，壯志中摧奈命何。地下英靈無限恨，分明一曲醉時歌。

捕蠅飼鷄兒戲作

烏鳶何愛螳，何憎一視同仁我。未能不把虫鷄辨得失，盤中只喜滅秋蠅。

秋日題宋子清蓮亭

小塘秋色在枯荷，折藕寒香浸碧波。好是酒醒歌枕處，一軒寥落雨聲多。

謝五山寄一枝菊

雨後秋花濕滿枝，故人遙寄歲寒姿。憑渠更覺

年華晚獨嗅清香有所思

存歿二首

尹生

名觀

賓仲

詩思秋天杳李子

名榮

子翫

清談玉

露繁江海幾年音信絕古墳衰草自黃昏

形骸礪礪具公受眉宇清奇姜子舒塵世五年

雙眼淚湖山千里一封書

睡起

西窓睡起對斜陽花影參差柳影長深巷閉門

無客到博山終日費都梁

寄李楨求畫

麟閣勲名計已空十年塵土暮途窮從君輜借
丹青手置我湖光山色中

還家雨夜憶山中諸友

在山誰料出山愁一夜相思欲白頭夢能不知
簷溜亂却疑身卧澗邊樓

初秋寄子敏

聞君萬里還家日值我三旬伏枕時惆悵未因
乘興去并攔桐葉墜相思

舟行

巴陵城外中宵月烏島山邊半日風穩枕書囊

蓬底睡不知身在急流中

書一作裴

題盡四首為子深作

百年蹤迹寄雲林得計於魚不厭深何物小兒
剛解事敢將天下感余心

右許由

叩馬方知是義人死生終始一般民遂令薇蕨
尋常草留得山中別樣春

右夷齊

七里灘頭數疊山釣臺孤絕白雲閑平生悔作
狂奴態虛播聲名滿世間

右嚴光

柴桑物色似隆中
出處雖殊氣味同
當日若蒙三顧惠
哥家天祿未宜終

右陶潛

對菊有感

愛花曾號菊齋翁
遠識吾家文正公
舊事茫茫無處問
一樽惆悵對西風

代人寄遠二絕
戲林子中

不向空閨怨獨棲
怨郎騎馬出關西
關西自古多佳麗
恐為新人滯馬蹄

獨伴秋燈坐到明
念君迢迢在邊城
平生不識開河路
昨夜分明夢裡行

秋夜感懷

月照靈簷生夜涼
草間秋露語商羊
爾雅註曰草虫也
十年人世無窮事
門閉寒林葉又黃

春江詞效竹枝歌二首

二月江村花絮飛
水深沙暖荻芽肥
漁童入夜唱歌去
渡口月生人語稀

喜雨亭邊朝雨過
楊花渡頭芳草多
江中擊鼓賈客醉
堤上女郎爭唱歌

入林子定郊居

臘殘春近水邊村幾處寒梅欲返魂
匹馬問入沙路細蒲林風雪獨敲門

題枕碧亭

層城東畔是扶桑千尺危亭倚女牆
孤戍夜寒吹盡角碧空無際海茫茫

夜雨雜詠四首

正月晦夜剪燈斟酒
情發成詩文不加點

春宵小雨屋簷鳴老子平生愛此聲
擁褐挑燈因不寐對妻連倒兩三觥

扁舟無補聖明朝白首滄浪意寂寥
孤枕夢回

聞小雨一燈明滅照春宵

昨日喧喧歌舞場只今荊棘露沾裳
世間萬事皆如此莫怪書生鬢髮蒼

百年契闊詩千首萬事驅除酒一缸
半夜虛簷風雨鬧夢成歌枕聽寒江

寒食

祭罷原頭日已斜紙錢翻處有鳴鴉
山蹊寂寂人歸去雨打棠梨一樹花

悼亡寄示李子敏

親知零落已無存萬事人間祇斷魂
為問如今

風雨夕也能重夢具綾原李常有夜雨燈殘夢具容之句故有

送沈生

年少今為席上珍
瓊枝標格玉精神
春風相見忽相別
却羨悠悠行路人

哭具全化喪柩于揚州之山中因日暮留

宿天明出山

是夜夢全化如平生

幽明相接杳無因
一夢殷勤未是真
掩淚出山尋去路
曉鶯啼送獨歸人

偶成

明璫能使盜心住
昏鏡最為姪者求
志士幽人

莫惆悵入間禍福揔悠悠

沈秀才

贊從余讀中庸作一絕以示

此道平如大路然誰將意見比登天
鑪熏一柱蒲團靜驗取吾心未發前

題壁

祇要從容未要忙眼前無地不風光
如今始悔平生事誤認并州作故鄉

金龜城

波湖亭八景

雨後濃雲重復重捲簾清曉有奇容
復更日出無蹤跡始見東南三兩峯

右三角晴雲

微陽歛歛照寒波無限新詩到此多可向騷人
留一刻為君持酒勸羲和

右二山落照

綠荷回首背西風人倚樓頭水檻空半夜酒醒
聞小雨寒聲偏覺在池中

右荷塘夜雨

蘆花如雪滿江干陣陣邊鴻報早寒何處櫓聲
驚着汝一時飛入暮雲端

右蘆渚秋鷗

春郊漠漠雨來初
草嫩沙平盡不如
簷管一聲牛背穩
人間未信有安車

右東郊牧笛

烟渚蒼蒼極目寒
忽驚流火照沙灘
分明知是漁舟子
莫作疎星蘸水看

右南浦漁燈

西南貢賦湊王京
千陣風牆趁水程
此去漢陽知不遠
船頭指點幸州城

右鳳翔風帆

塞外傳光檻外看
年年長是報平安
幽人不識

防秋事只愛雲邊落點殘

右烏島夕烽

宿高禪庵

夕接巖寺近青空枕底蕭蕭落木風老釋不開
塵土夢獨敲秋磬月明中

和子敏絕句

朱絃清唱對金尊一夜風流抵十分却恨詩翁
乘興到主人沉醉已昏昏

附元韻

今朝卧病阻清尊強起來尋夜欲分惆悵醉

翁眠正熟琵琶一曲小燈昏

十二月二十六日權汝章生辰也置酒
要飲病不得赴及夜半獨卧無聊力疾
往焉君已醉倒牢睡不起左右無人唯
琵琶工侍旁因命彈一曲留絕句而去

次郭山雜題韻四首

羨君文彩映諸郎七字新詩近盛唐
自笑暮年踈翰墨醉中吟嘯劇顛狂

官燭成灰夜漏遲美人相對淚如絲
後今客舍青青柳不復長條似舊垂

忙時爭及靜時好，樂處不知愁處多。
不怕鬢毛成白鶴，但憐尊酒似黃鵝。

夕醉昏昏倒綺筵，
官燭為誰燃。
五更忽夢宣城事，
只是前宵已惘然。

百祥樓月夜次使相韻

長洲烟草綠萋萋，
人在樓頭月欲低。
多少世間佳麗地，
斷腸唯有浪江西。

憶唐川

雲雨高唐夢裏還，
滿空蒼翠是巫山。
至今最有關心處，
人在樓臺縹渺間。

六月初吉夜夢入空宅夕雨霏霏落葉滿
庭如有怨別傷時之感口占一絕覺而
記之

空村寂寞掩柴扉
滯卧殊方故舊稀
送盡夕陽人不
到滿庭紅葉雨
霏霏

宿高秀才

傳霖山亭

習池留客醉醺醺
夜宿秋山近白雲
風露滿身渾不
寐小泉幽咽隔窓
聞

滄浪亭二絕

屋下清江屋上山
道人生活計水雲
間應知靜坐

翻經處潭底神龍夜叩開
蒲團岑寂篆烟殘獨抱山經靜裡看江閣夜涼
松月白渚禽飛上竹闌干

金平甫郊居

野人生理何須足一頃荒田數畝園縣吏不來
門巷靜自編青竹護雞孫

海庄八詠為尹景望作

千疊峯巒展畫屏朝朝爽氣滿窓櫺幽人桂笏
看雲處最愛天邊一髮青

右瀛山挹翠

石洲集卷七
十五
鯨海茫茫迫接空
馮夷鼓浪駕雷風
乾坤自古東南豁
日月浮沉元氣中

右溟海觀濤

東津迢遞水連空
一陣檣烏杳靄中
宗慤平生破浪願
幾時容借半帆風

右沙津遠帆

寒空閃閃暮鴉翻
紅日亭亭下海門
但使夕陽無限好
不須多事怕黃昏

右蜩島落照

江干愁色滿蘆花
望裡長洲一帶斜
何處青天

數行字晚風吹落白鷗沙

右蘆洲鴈陣

鶴汀鳬渚望依依
幾處殘村掩竹扉
江口夜深聞犬吠
月明知有打魚歸

右竹嶼漁村

江上孤城欲閉門
戍樓寒角報黃昏
幾枝吹徹浮雲盡
正見沙汀月一痕

右孤城戍角

遠林初日上銅鉦
極浦微茫眼底平
遙識人家在沙岸
隔江猶見亂烟生

右極浦炊烟

利仁驛贈李察訪忠元

風塵一別幾秋螢
尊酒他鄉忽眼青
莫歎郵亭屈奇士
向來浮世寄郵

歸江都留別邊明叔

應

京口移家計已非
又將書劍決然歸
他時若問吾消息
海上孤村獨掩扉

寄呈成川許令公

潛

江潭芳草綠迢迢
千里音書久寂寥
想得降仙樓上月
玉人閑捻鳳凰簫

清明日寄洪秀才

寶覓酒

萋萋芳草喚愁生，老去逢春更有情。
一夜雨聲花盡發，可堪無酒過清明。

古詩有無花無酒過清明之句故云

清明

清明籬落起新烟，物色依歸似去年。
深巷閉門終日雨，杜鵑花發小窓前。

嬋娟洞

年年春色到荒墳，花似新粧草似裙。
無限芳魂飛不散，至今為雨更為雲。

過城山具容故宅二首

城山南畔是君家小巷依依一迳斜浮世十年
人事變春來空發滿山花

春陰漠漠向黃昏空巷無人雀自喧獨有山陽
舊儔侶不聞隣笛也消魂

飲權同知恂新樓主人催詩甚苛因次壁

間韻

高人柱笏看雲飛樓外青山翠撲幃不向樽前
談世事知公已息漢陰機

安樂堂八詠為外舅鄭新昌懿題

雨後青山雲出谿朝來三角失東西白衣蒼狗

復更事欲賦新詩意自迷

右三角朝雲

千里傳光自玉開小星明滅暮雲端誰知野老
回頭處正想蓬萊立馬看

右城山夕烽

林霽霏微仍作雨望中疑有更疑無不須去借
元暉手已對真身水墨圖

右長林細雨

古岸崩沙擁小灘斷橋遙帶夕陽殘此間更着
騎驢客政好傍人作畫看

右斷橋殘照

烟光草色共氛氲曲岸回汀遠不分認得村童
牧牛處數聲蘆管隔溪聞

右烟郊牧笛

帶索腰鎌野水濱黃蘆枯荻盡堪薪安知荷擔
行歌地不有當時朱買臣

右蘆岸樵歌

晚稻青青早稻香田間小路入陂塘西風昨夜
清霜重萬頃濃雲一半黃

右泐坪觀稼

小網橫沉傍石磯
秋來正愛紫鱗肥
歸時每趁斜陽盡
一路烟汀雨滿衣

右曲蒲網魚

秋日書感

禁城烟樹起西風
滿目他臺大半空
莫問侯家兼西巷
一般秋草夕陽中

蒲目一作蒲後

贈山人

早著禪衣卧白雲
不教魂夢到塵紛
渠家五戒渾閑事
何況工夫少一分

山人乃宦者故末句戲之

題僧軸四絕

世間行路極多蹊無限浮生到死迷回首試看
雲盡處夕陽元在碧峯西
曼陀花雨給孤園中有禪家不二門安得撥平
身事了佛香僧飯送朝昏

招提高住白雲間世外乾坤日月閑方丈寂寥
人入定不開花鳥滿春山
不待求心心已安向來饒舌戒豐干相逢試問
西來意手把花枝帶笑看

觀打圍次府伯韻

風傳鼓角三軍動日射旌麾五彩明蹴踏寒山

禽獸盡叢祠寧復有孤鳴

五川草堂四時詞為尹兩性孝題

池塘水綠柳絲斜上新蒲欲吐芽
睡美不知連夜雨曉看紅濕滿山花

右春

簾外雲山雨乍晴北牕筠簟午風清
青苔滿院人無事卧聽流鶯一兩聲

右夏

茅簷坐對菊花樽盡日看山不閉門
莫道詩人生理薄秋來芋栗滿西園

右秋

孤村歲暮斷人疑
谷口悲泉凍石竈
深室擁爐
開小甕任教風雪打寒窓

右冬

題僧軸

將心那復遣人安
案上楞嚴亦不看
欲問祖師
端的意月輪當午
碧天寒

奉和長溪黃府院君
庭見寄一絕

寒潭皎月能留印
亂岫青霞欲建標
正愛團團
叢桂樹不關人作
小山招

附元韻

亂代飄零余到此海山專壑甬清標澗隄碧
草俱書帶莫遣騷人浪賦招

幽居漫興四首

老去扶吾有短筇林居無日不從容清晨步到
澗邊石落日坐看波底峯

池岸纔容人往還兩池分蘸一邊山青荷葉小
不掩水時見魚兒蒲葦間

引水作潭聊自娛平地波濤遽如許飛湍落石
風雨喧隔岸人家不聞語

當日溪流深尺餘兩岸狹窄纔容車今朝化作
滄浪水已有水禽來捕魚

僧軸中有先人手書絕句敬次韻題卷

尾

先子文章曾瑞世小生才薄忝家風白頭並候
看遺墨更忍題詩一紙中

又次軸中金南憲韻

新詩多出鉅公手風格宜居盛唐有十載兵塵
能宛然如師善護今安有

郊居秋興呈府伯沈令公悅二首

數椽帶屋一床書生理蕭然不願餘無限世間
榮辱事獨臨秋水看游魚

荷葉彫殘柳葉黃郊居物色近重陽無人送酒
添秋興奈此寒花擁鼻香

種松示諸生

愛爾青蒼有異姿殷勤為向澗邊移他年自致
雲霄上儻記先生手種時

畿伯月沙李公枉過草堂贈守僧信修詩

曰爾居石洲之學舍石洲新有能詩聲
勤將青牋求我句無乃山僧亦好名余

亦戲次其韻

山僧要得沙翁句只為清詩畫有聲不用強生
分別想世間何者是真名

戲簡東隣

日照先生肯寄盤貧厨冷落未朝餐君家酒熟
絢衾暖肯念山齋特地寒

李判官

慎言

遣子求詩走筆以寄

今朝忽覺眼雙青為對兒郎想典刑見說江天
雲霧裏夜寒長候少微星

李為天文學

銅雀妓

一自君王去上天紅顏虛度豔陽年傷心欲望
西陵樹淚落平生歌舞筵

病中聞夜雨有懷草堂因叙平生二十四

首

不到書齋近二旬忽驚時序已深春中宵卧聽

催花雨欲種山榴奈病身

常與綠水岸列植
山榴今病未能果

夜雨懸簷到曉鳴病中幽思忽然生關心最是

巖前竹不聽蕭蕭打葉聲

萬古仇池小洞門雙泉咽咽瀉雲根無端一夜

千峯雨卧想飛流觸石喧

由草堂緣澗南行百
步許有小石門雙瀑

高窺數尺從亂石間下落小潭山勢環擁別作
一區余嘗取杜南萬古仇池穴潛通小有天之
句名其地
曰小有洞

小澗潺潺日夜鳴澄潭一畝向來平即今春水
知何似應有輕鯈作隊行

小屋初營澗水潄新栽花木未成林殷勤種柳
遮隣舍嫩色如今深未深

櫻桃坡下井新開汲取煎茶日幾回未將不食
為心惻但愛源頭活水來堂西緣岸植櫻桃因

小井
可食

山下方塘上下連踏泥初種陸池蓮長思去夏

黃梅雨夜夜青蛙聒醉眠

溪南山麓古有水田基址因地形作上下池

溪邊小圃近風湍聞說畦蔬尚怯寒何日雨晴

山月暖紫葱青韭助春盤

桐孫初自嶧陽移庭畔纔橫數尺枝早晚清陰
濃滿地摘來青葉坐題詩

東庭葡蔓狀離奇為向虛簷引小枝不要滿盤
堆馬乳最憐蒼翠隔朝曦

覓得桃花向水栽今春更復幾枝開丁寧莫逐
東流去恐有漁舟入洞來

索居偏覺故人稀林壑寥寥草徑微賴有東隣

能好事每携春酒款柴扉余端居草堂寂無來問者唯東隣尹而性

每携酒相訪故云

多慚寒劣得虛名千里相從有宋生汲水採薪

勤服役問渠辛苦欲何成有宋生名希甲者自

子禮甚恭服賤任無情色蓋至誠也方居守草堂為十年計

北窓清曉捲疎簾重疊雲山露碧尖前夜似聞

行雨過朝來爽氣滿虛簷草堂啓此戶正對天磨山

醉上危亭近碧峯獨臨斜日撫孤松茫茫巨野

吞滄海可盪平生雲夢膏出峯一脈蜿蜒十步

而止其上平廣可坐雞草種松各之曰盤桓亭

檻外蟠松一蓋青枝枝欲作老龍形微風故作
泠然響爽氣吹顏酒易醒

佳菊分栽數十叢淡黃微白與深紅傍人莫恠
勤封植會待清霜九月中

堦上紅葵間白葵隨緣開落獨多時傍人謾作
尋常看向日深誠只自知

少讀仙經慕伯陽中年耽酒趁風光祇今老大
身多病萬事關心髮欲蒼

素心元不在榮名欲佐明君致太平人莫我
知斯已矣白頭重覺負平生

讀破兵書五十家少年豪氣向人誇晚知弓劍
非吾事歸去清江釣淺沙

誤將鉛槧學題詩身外浮名竟自欺六歲再煩

西塞後林泉無計脫塵羈

余於辛丑冬以白衣隨遠接使到義州今

又以制表述官當往義州適有采薪之憂未及登途

半生虛作曲歧行至理元來在六經能使此心

存此性膏中風月有誰爭

邵氏當年弄此環何曾把筆事朱丹欲知妙理

無窮處須向先天仔細看

餘易

尹而性有約不來獨飲數器戲作俳諧句

逢人覓酒酒難致對酒懷人人不來百年身
每如此大笑獨傾三四杯

次李士常彈琴韻

一曲悲歌行路難匣琴絃絕莫須彈君看千載
淵明意不在區區撫弄間

前日開城沈經歷

詞

因往來商人寄煮酒

一胡餅今遇歸便作二絕致謝上篇送
別胡餅下篇約天磨之遊

珍重胡餅出奉常為盛官酒到滄浪今朝告別
還歸去任是無情亦斷腸

相思咫尺夢徒牽消息還憑賈客傳安得一樽
陪杖履北山秋月看飛泉

記夢

人間百事與心違江漢垂綸計亦非一夜夢魂
能辦此蘆花烟雨滿蓑衣

呈東隣尹秀才

君時屈禮闈

百年浮世一邯鄲得失須憑夢裡看秋水滿溪
山雨細不妨來把釣魚竿

即事

丙午九月二
十一日夜

秋陰散盡月華清一夜天公似有情何處片雲

來作孽便教蟾兔不分明

雜興

掠削雲鬟曳錦裾市門觀者鬧如雲
丁寧寄謝紅顏女莫向深閨刺繡紋

觀史有感

高起阿房切太蒼自誇功德擬三皇
當時只倚長城固未信咸陽作戰場

翻俗傳紙鳶歌

我家諸厄爾帶去不落人家掛野樹
只應春天風雨時自然消滅無尋處

送友人赴三陟任

聞君遠作名區宰未到吾能說此州開嶺極天

滄海閭月明歌吹在西樓三陟有竹西樓杜牧詩方誰知竹西路歌

吹是揚州

無題

宮中氣候風無雨妾似盈盈枝上花昨日被催

今被妬可憐零落委泥沙

記夢

輕陰漠漠雨廉纖樓外山光翠滿簾好是家家
春酒重杏花無數撲青帘

春日感舊

城西寒食草青青走馬探春酒半醒
少壯幾時今已老白頭花下拖添丁

城東記事

郭外青山春日斜村園無處不開花
黃衫年少來何所立馬橋頭問酒家

題柳淵傳後

李完平元翼屬李鰲城恒福作傳入板

一回披讀一傷神冤屈從知久乃伸
得附青雲真幸耳世間何限不平人

秋夜披香堂口占

簾幙重重水檻清夜涼江月上孤城金壘酒盡
人初散碧樹蔥蘢曙靄生

贈天香女伴

仙姿不合在風塵獨抱瑤琴怨暮春絃到斷時
腸亦斷世間難得賞音人

舟中示成韓山退夫

以敏

沙頭逢着使君車共上蘭舟任所如攸是江南
好天氣杏花時節雨晴初

題贈天印上人無東東嶽鶴谷

觀心見性徒自勞似虫撲紙驢年去為報含元

殿上人莫問長安在何處

山中早秋喜晴有作

山木吟風秋氣生
峯頭初旭射新晴
澗邊白石渾如洗
故好先生赤足行

以松壤玉燈付山人法林

西州良玉斲為燈
淨潔端宜入定僧
遙識上房清磬歇
夜珠明滅亂雲層

十日夜夢作律詩累十餘篇其中可記者
已報江梅破殘牒便知春色入長安
水邊小店聞寒杵
沙陰孤燈見夜漁
兩聯

耳覺來淒然有感賦一絕紀異

不爭榮利不爭名無食無家了此生尚有一魔
除未盡夢中詩律太淒清

過二陵有感

曾把三韓作一家百年灰劫恨無涯孤臣匹馬
陵前路淚濕冬青滿樹花

過李汝一

一罇草堂用李子敏韻題壁上

鴉噪寒城日欲斜偶然騎馬到君家茅齋寂寂
無塵事共對東籬十月花

寄題帶方房氏林亭

南原自是好溪山更著樓臺水竹間頭白謾勞
千里夢幾時羈馬出江關

雪後謾興三首

一夜寒威特地多晚來風力捲漁簑強將雪水
添茶鼎奈此千山暮景何

右呈權明府

盼

城頭暮角欲吹殘酒重青油不受寒更想中軍
搥鼓處海風飄雪撲旌竿

右示崔教鍊官

縮頸寒眠似凍龜中宵急雪聽窓知銀杯妙語

君家事今日還成幾首詩

右示韓秀才誠

次梅月堂漁村韻

汀洲隱約數家村三面疎籬共一門
想得夜來風雨惡淺沙留着亂波痕

宮人鄭氏挽章三首

寧辭寂寞委窮塵玉座猶然况妾身
無復內班催上駁海魚空鎖別宮春

當年曾賜辟邪旗一夢繁華可復追
尚有阿嬌垂白髮逢人長說入宮時

分香當日事堪哀，魂逐龍輜忽不迴。
獨有昭陽宮裏月，至今猶照舊粧臺。

舟行五絕

寺下長江百丈清，江頭楊柳大堤平。
他年誰作

黃驪志，倘記洲翁此日行。
麓寺在驪江一名神勒

先人曾此作遨頭，欲向遺民訪舊遊。
昔日小兒

今白髮繁華無跡，水東流。
驪州客舍有樓臨江號清心形勝為東方

最壬辰被兵燹所化，唯故址尚有。

楊花津口浩烟波，兩岸青青芳草多。
西北雲山千萬疊，行人回首一長歌。

衆山環擁似荆門兩岸疑聽楚峽猿記取泊船
沽酒處短離臨水數家村

春陰漠漠日啣山微雨扁舟載酒還一夢舊遊

那再得謾留佳句落人間

余於二十年前與
友具君容遊諸島君

有句云春陰一邊雨落
照萬重山至今傳於世

送李子仁

安赴石城任次金子定韻二絕

江柳青青江水流沙頭春酒送行舟殷勤寫出

陽關曲寄與名鄉舊莫愁

扶蘇山枕錦江流憶上高蘭寺下舟君去試看

三國處至今春草使人愁

聞任茂叔削科

宮柳青青花亂飛
滿城冠蓋媚春暉
朝家共賀昇平樂
誰遣危言出布衣

可歎

猿狙法服擬周公
俗眼何曾辨異同
鸚鵡未應承顧問
啄餘紅粒滿金籠

詠花夢中得

物理何曾有等差
春來隨分得年華
不復更向唐昌觀
且賞田頭覓歷花

正月初三日雪用龍灣舊韻寄呈月沙李

相國二絕

病入無時怯春寒壁上青燈向曉殘一夜無端
三尺雪忽如灣館醉中看

公館笙歌擁羨人塞風吹雪灑華茵只今潦倒
身仍病往事回頭十一春

李食知

墓

父母遷墓合葬挽章

可憐同穴願初成孝子經營出至誠有取世間
夫婦義未應泉路獨無情

春日漫興

幽禽啄蠹響彭鏗夢裡疑聞叩戶聲睡起捲簾

山雨歇不知春草上階生

絕筆

先生一日出所著詩稿裹以小紙付甥沈某仍書此

絕於袂背後三日

被追請理遂卒

平生喜作俳諧句惹起人間萬口喧從此括囊聊卒歲向來宣聖欲無言

經年歲向平更延結壽春

平主表行時節以與人同壽公望對如維

初

無事時節以與人同壽公望對如維

山雨澤不洽春草上陽三

石洲集卷之八

雜體

四禽言

姑惡姑惡姑不惡婦還惡
搥搥之手可縫裳桑葉滿筐
蚕滿箔但修婦道致姑樂何
須向人說姑惡

右姑惡

鼎小也鼎小也秋禾如雲滿原野
今年鼠壤有餘蔬買羊醺酒讌同社
主婦炊黍客滿座鼎小也釜亦可

右鼎小也

我欲死我欲死四月千山萬山裏食有果子巢
有枝生無所苦死奚為爾不見去歲東郡避甲
兵苦辛到骨猶願生

右我欲死

布穀布穀布穀聲中春意足健兒南征村巷空
落日唯聞寡妻哭布穀啼誰布穀田園茫茫烟
草綠

右布穀

秋懷辭念時正
時建也

我耶思兮在絕國山原曠漠兮雲海隔夢相接
兮覺相失目眇眇兮人如玉念疇昔兮同息偃
朝嘻嘻兮夕怡怡忽時變兮勢阻生且死兮莫
相知音塵絕兮不可通悵此生兮長別離瞻日
月兮悠悠倏三歲兮又以暮鴈嗚嗚兮矯翼虫
切切兮欲何訴覽時物兮澹容與心結悵兮淅
如雨山可夷兮海可渴唯此恨兮極終古

憶天磨三首效白樂天憶江南

天磨好伊昔再經過千澗水聲歸海遠萬峯秋
色入雲多能不憶天磨

天磨憶最憶平生誰言白練飛千古定是銀
河落九天回首意茫然
天磨憶其次憶花潭春雨歇時花影亂夜波殘
露月光涵何日得重探

青春曲

春尚早已覺年芳好輕香澗底梅嫩色原頭草
美人踏青誇錦鞵多情却被春心惱

春欲晚年芳無近遠花發五城樓鶯啼上林苑
繁華一夢那足恃令人暗起傷春恨

春已去年芳竟何所茫茫千里外目極但平楚

綠樹陰陰蕉幙靜思量別是風流處

題尹晴詩卷二首

晴龍灣娼也五峯公鍾愛甚有叙奇遇
首末繼以五絕句東槎諸學士皆和之
余作小詞二闕題于卷尾

晴初見五峯
時以荷花一

信
采為

玉似肌膚雲似鬢紅樓坐惜容華尚書風彩也
堪誇不勞青鳥使芳信託荷花我亦三生香
案吏夢中曾到仙家翹英豔麗本無差玄霜成
藥後騎鳳上烟霞

右臨江仙

秦樓女多生好結吹簫侶
吹簫侶盟山誓海歟
啼嬌語可憐南浦人歸去
春城揔是傷心處
傷心處一番風雨滿簾飛絮

右憶秦娥

晴望回文

樓高倚日斜
咄咄長吟苦
流水遠連天
曲汀寒擁樹
浮烟碧
楚平薄霧晴
山暮頭白
自飄蓬夢
歸愁永路

秋晚絕句回文

潮回欲雨寒沙暝遠塞秋雲斗鴈雙寥寂掩扉
山日落蕭蕭暮葉墮空江

松京道中懷舊遊王連環

衣上風埃日色黃八年陳迹入思量土橋山靄
空中碧石澗松陰雨後涼小路崎嶇尋野寺寸
岑依約想雲莊壯遊奇樂消磨盡一曲高歌淚
滿裳

園中即事王連環

心如騷客怨江離離恨春愁白髮垂山麓雨晴
松影碧石林風暖鳥聲奇可憐浮世人情窄下

喜閉園物色，且且把新詩。
慰寂寞，莫將霸祿謾成悲。

春日書懷玉連環

土木形骸厭苦辛，十年行止信蒼旻。
文才薄薄誰相念，心事悠悠歲又春。
日照空樑聞語鸞鳥，喧脩竹想驚麝君。
如欲識閑中景，小屋爐薰不起塵。

建除體述懷

建德豈吾土，并州非故鄉。
除此勿復念，念之令人傷。
滿酌金叵羅，浩歌情激昂。
平生請纓志，皎皎

皎懷剛腸定分不可逃間關趨路傍執爰免卒
伍飲瓢甘士常破屋只容膝生理餘藤床危時
合隱淪貴富安足望成勸終一軌萬古俱亡年
收心養大和方寸教天光開卷對聖賢永晝燒
清香門戶了一生榮枯都兩忘

八音歌書懷

金戈挽落日此事本難期石田理荒穢歲暮違
所思絲綫尚玄慟途窮能勿悲竹林有古賢清
風高可追龍瓜繫不食白首甘棲遲土饒笑不
偶漂江甬鳥之革華走塵埃恐見高人嗤木奴

足生理何須鐘鼎爲

數詩夜坐詠懷

一尊對明月獨酌還獨謠二儀自高下星河光
動搖三更萬籟寂忽覺超塵翼四顧但茫然江
海何迢迢五年別故國身似秋蓬飄六韜抱奇
策奈此雙鬢凋七尺土木骸祇合歸漁樵八荒
盡征戍何地著輦瓢九開守虎豹仰望空雲霄
十書竟無益天涯甘寂寥

松

松松傲雪凌冬白雲宿蒼苔
封夏花風暖秋寒

霜濃直幹聳丹壑清軍連碧峯影落空壇曉月
聲搖遠寺殘鐘枝翻涼露驚眠鶴根插重泉近
蟄龍初平服食而鍊仙骨元亮盤桓兮盪塵膏
不必要對阮生論絕品何須更令韋偃畫奇容
乃知獨也青青受命於地匪爾後凋之姿吾誰
適從

竹

竹竹湘江嶰谷根龍蟠葉鳳宿
孩撫臚梅僕命秋菊和烟細細香帶月
猗猗綠清晨露綴明珠薄晚風敲寒玉
節凌霜雪本自堅幹聳雲霄不

曾曲托孤操于逸士韻入結深契乎松籬茅屋
一箇如嬰何難立趙孤雙竿若夷齊義辭周粟
貞姿皎潔宜可以配君子所以衛風起比興於
淇澳

梅

梅梅冰骨玉腮顰將盡春欲迴此陸未暖南枝
忽開烟朝光掩淡月夕影徘徊冷蕊斜侵竹塢
暗香飛入金罍始憐的皪凌殘雪更飄飄點
綠苔從知勁節可比清士若語高標豈是凡才
愛幽獨尚容詩人看去厭喧闌不許狂蝶尋來

試問登朝郎而調鼎餽者何似西湖之上孤山
之隈

菊

菊菊左梅右竹結芳盟超濁俗黃葩散金素藥
雕玉秋露浥偏寒曉風吹自馥結根不合汚卑
稟性元宜幽獨冷雨晴來葉更繁嚴霜降後枝
猶綠汎濁醪而陶遠世情餐落萸而屈修初服
不論唐昌玉藥白盈盈肯數玄都桃花紅款款
借問山家風致何處難忘最是重陽佳節白酒
初熟

蓮

蓮蓮葉大花娟冒綠水濯清漣香凝曉露彩惹
朝烟動處覺魚戲靜時宜鷺眠最愛涼侵玉罽
更憐色照華筵風翻翠蓋歌還整雨瀉明珠碎
却圓周茂叔解比於君子李謫仙曾語其天然
不關江上羅裙花似頰遮莫峯頭玉井藕如船
吾將製為裳衣離塵去俗獨與滄波明月恣意
周旋

植物之中枝葉可愛者二曰松曰竹花
可愛者二曰梅曰菊花葉俱可愛者一

曰蓮余平生酷愛此五者偶演李白三五七言自一言至十言而止成五篇畧叙佳致無用自託非敢描寫形色以求奇語也已亥閏四月十四日石洲懶隱志

夢六言禪
頌體

白玉仙樓十二黃金佛界三千湧出陽身獨去此間無地無天

余以製述官久留京邸友人多言大病之餘不宜馳驅遠道偶閱小方有藥名曰

人言者因戲賦一絕

半夏留京口人言病未蘇只當歸故里烟月釣

前湖

湖與胡字音相似故借用

士泉同宿聯句

歲鑰陰崢嶸述天衢霰凌亂章大風山林號窮

巷人蹤斷

世

夕戶驚剝啄章昏厖開閭開呼兒

點燈燭入室鋪牀案述開尊拈虎珀章展鱗搗

璀璨硬語拔聒聒述怪談窮汗漫羣笑口雙呀

章相視目皆爛袒立踞如箕述露髮頭不冠燈

腰螭屈伸章鐘臂塹拒捍述鬪鬪觴走羽世開

匣琴揮綬嘿咄咄述踦踦述嬌羞又闌慢世踦長

絲報喜章句奇音有歎述縹團酸戛牙章黧潤

煤染翰魚夏甘爵六述酌奉任殘半章楚老吟

窓間世吳儂醪壚畔述籤懸軸橫架章拊盈璧

被幔述玄壺戴缸坐世蒼鼠抱粒竄池窪石面

滑章匣霜鐵鼻貫述照壁盃吞蛇章嘆室垆鳴

鶴迷伏隙虫有婦章墜枝禽失伴世運毫奴頭

尖章拂楮孫顏粲述觸屏睡若春裂枕斲如鍛

世鼎坐焉能炊章弓卧不成彈述地深山擁門

章江迥沙圍岸塊噫如蓬蓬述浪尫方渌渌章

石州集卷之六

贊凍蹲怪巖世龍朽卧奇幹章乳滴嗽射簷述

烟寒雪埋館章冰莖蜩罷甌述霜塹木失旦世

簇盤園早飮章潁水侵朝盥世華虫吊體解述

腥鬣憐肚判鏤物文生奸章敵怪語成謾世詩

神驚突窳述舌電怯輝煥章新信釘赤扛窮消

溜素汗世剖萍甜可喊割璞瑩宜玩丘言刮聯

經章風畫產昌豕世脫鬲既免攻樂曳寧受鑢

述角縮偕蝸蟠章枝腫依櫟散世賓名趨耳巢

夢利背翼佩述但保今朝嬉餘外不復笑章

黃溪同宿聯句

電雪弄陰機章
猱飈攪坤軸一馬鈍如蛙述孤

村暮飛蝠鋪席室幽幽章
開戶山簇簇點燈團

夜語述
論文刮舊目羈跡嘆雙萍章
索居違尺

牘日冠毒甚醒述
世事危可哭走山脛無毛章

喪馬髀生肉拾橡充糗糧述
依林當室屋塗腥

驚偃尸章
丘皓厭積觸繭趾任予述
拮手困

匍匐焚來踖宵征章
礮動喘晝伏呿斃瘞路側

述
速到委山谷九死逃硿陰章
一身免鋒鏃自

怪戴吾頭述
安能望我腹墮塊謀數粒章
鰥荒

播五穀盎中安屢空述
枕頭資習卜婦寒襟少

絮章兒飢食半菽樂巷既忸怩述撫虱仍掛犢

賣樵頽搭肩章鬻絲空織袖雪穿東郭履述日

照先生霜明睛青久隱章塵鬢白盡禿遇甜蝴

每圓述嘆逝駒太速高深阻歛縫章南北覲忽

倏不謂奎合躔述更此玉開櫝依依發孤笑章

欣欣握一沐抽肝宜毋叱述發口要人服把碧

醺入髓章挹淡清滿掬奇適禮侯恭述聲喜慄

軒縮鉢幽窩呈奧章剖微蘊罄蓄拾唾箇箇珠

述詠德猗猗竹誇譎舌頻齧章拜昌躬屢鞠驚

掌嘆獨抵述舞脚喜相蹴說舊魂欲懣章承規

顏即惡見黃萌已除述交瑾耐正熟疑傑世方
溷章破老時不淑涸轍魚吮沫述殺機蛇起陸
藿深車避席章巖幽胥歸築山歌哀甯角述市
泣悲高筑閉開學天隱章搜腹待日曝時平牛
牟田述歲暮風拔木襍俗見蹠巫章豐歲驗夢
牧夜年鷄哭窮述巢居雀警謾擁籬竿竦千章
撲簷花糝六牛哀僵穴嗥述左慈伏牢宿憎寒
頭作鼈章蹋水行似驚述軋霄峯指攢章虹雲
檜頂矗述遠興入廬霍遐想到濠濮章語難義
形色默存道藏甫述求名上竹鮎章憂世越俎

祝只可視顛顛焉能走逐逐

土泉再會聯句

韻

山夜閒三籟述村醪破孤憤牝幽林楹黠章閣
櫻藩棠縻世碧深江泝泝述翠重峰隱隱章暉
晴秘山夔世跼蹐踣土飭纂地雲可篲章被陵
冰作縵世怒巖距角獐章亂卉髯鬣忿述竹啼
飈撲玉章松舞雪節粉述藟坐燭劍膽世謾進
銜玉韞述語怪喙屢鳴世詩捷管頻扮章顏臭
虱繚絮述愁倒螳沸醞章剝乙軒魚腹世蘸甲
呀鯨吻章獨跪執若鬯述雙醕看似蜚吟喁肩

聳浩章歌鳴耳熱憚世縷解錫發研述的壞寄

得隱傭黃魂附枕章腎青婦吹蘊芥桂煮曉粥

述鑊藥斲春童世自暮腕穿絡述長往越埃坊

呪霧銅額信世匿刀蜜口听述肥丁獻時祥世

趨石報世恣章美破周川沸世豔煽晉地墳述

鮑乾謬誰吊世誼渚紛獨技章聆雞唾祖狂述

畫馬禮石謹喘栗憐夏虫世醺噫惜胡槿章田

園胡不歸述蜘蛛斯可隱無營心更遠世弗違

道自近述詩書猶白紛章項馘己黃顛穴樹揖

挑餓世袒荆仰蘭列述詞源瀉水駛世筆勢奔

雷礮章 燭盤虹長吐述 茶鼎車常轉世 人生如
此足章 畢命保懋謹世

述懷聯句

二儀判鴻濛章 三精耀混茫世 平成萬事出述
闔闢群品張章 林林蠡橫目世 昧昧淆封疆述
靈檀降仙聖章 寶曆偕伊唐世 為之君臣民述
教以士農商章 至化頓左海世 素朴甄東方述
躡武有殷仁章 建國稱箕王世 八條革夷面述
億代昭鴻光章 燕盜逐孱商世 韓業俄隆昌述
瓜分地橫裂章 角立邗興亡世 跨虛翠麟飛述

墮地紫纓長

章

神鷄啞金犢

世

古龍掣牙檣

述

紛紛蠻觸戰

章

擾擾豺虎場

世

天人歸青木

述

玉帛開明堂

章

統三垂五百

世

拓土恢城隍

述

薰腴藹周洽

章

文治赫明駁

世

季葉德漸否

述

未流謀不臧

章

妖狐壞金甌

世

陰祲干朱陽

述

尺夢兆乾符

章

日角提天綱

世

應順滅辛癸

述

教寧紹武湯

章

樹立規略宏

世

設施謨敵皇

述

匹休啓奧區

章

相宅占華岡

世

周匝壯閭閻

述

洞達交康莊

章

隆薨擢斗極

世

華堞照扶桑

述

沼靈涵德鏡

章

林禁巢儀鳳

世

疏漢通八漕

述

望嶽邀百祥

章

雜貨湧列隧

世

甲第羅諸坊

述

媼姪颯綺組

章

軒蓋擁簫簧

世

絃蠟集圓冠

述

鷺陞超玄裳

章

汗雨霖九衢

世

轂雷轟萬箱

述

壤產菽瓊蘊

章

土貢充寶藏

世

苞實渡海摘

述

厨玳出河魴

章

北漠獻鼠貂

世

南溟來驢驘

述

織絲霞彩爛

章

彈花雪色揚

世

金銀銅鐵錫

述

瑤碧璆琳琅

章

楓栴杉檜檉

世

蓼采芝蕉薑

述

豹舄犀兕熊

章

鴟鷖鵠鷄鷄

世

民殷物亦夥

述

道泰時自康

章

重光絀神聖

世

協恭登俊良

述

聲明溢蓋壤

章

功烈超炎黃

世

文質既弼彪

述

秩禮何煒煌

章

詞苑翦燕許

世

俠窟馳原嘗

述

馬苴握韜鈴

章

臯陶持憲章

世

師錫盡碩言

述

共理無奸賊

章

馨香入無象

世

表葛各有常

述

恩熙囿穢穢

章

威布庭戎羗

世

穡登春酒盈

述

畦茂秋蔬香

章

桑麻敷隴陌

世

水草茁牛羊

述

生身忝聖氓

章

失學頗清狂

世

朝隨鬪鷄兒

述

夕問當壚娘

章

金鞭走槐街

世

玉墜飛柳塘

述

詵豔覘繡戶

章

按曲據象牀

世

馬絢金鞍裏

述

衾暖紫鴛鴦

章

蹴繩墮花鈿

世

蹋板搖玉璫

述

戲鞠足闔趨

章

弄丸手誇忙

世

飄搖送紙鸞

述

被除登石梁章限難呈譎詭世角觝校倔強述

魚龍九華變章繪綵千門粧世新羹摘勾芡述

香餅擷嬌蕾章椀粽冰蜜寒世甌粘薇果芳述

步郊青染綦章陟丘黃泛觴世憎以撒松葉述

擯鼠燒草芒章曉喧競賣暘世朝謹爭棄忘述

傳葩醉神巫章拋毬舞妖娼世海神效婆娑述

仙禽象翺翔章葩蒸萬重霞世葉擁千林霜述

韻鶯嘉樹倩章燭鵲瓊花颺世流連逐光景述

倏忽費炎涼章酣爽恣落拓世褊褊長披猖述

中年乃覺悟章晚節還悲傷世剔薮刮舊習述

策駕期月將章專精尋蠹簡世索微探瑩囊述
羲經鉤隱奧章鄒傳窺汪洋世魯史究謹嚴述
周頌歌鏗鏘章杜癖痼浮誇世蘇向投椎剛述
詩工排小山章賦健期長揚世旁搜到玄門述
餘力浮慈航章略傳地下奇世方窮肘後詳述
天衡測度躔章地維分昧賜世冥觀志益壯述
弘濟願難償章身名坐抹掇世塵土勞動勦述
卞璧誰剖璞章豐劍空埋鋌世群鴟得鼠味述
孤鳳失巢蹌章噬人溺井狁世鬪食當途狼述
奸睛眈眈章惺髮披髻鬟世白屋陷塗炭述

朱門飲膏粱章乾文慧宇動世時候雨雪零述

鯨鬣振溟渤章虎折失開防世擣虛拓漢夷述

肆毒湖嶺瘡章翠華效去邠世法駕異遊襄述

師奔解鑠甲章卿竄投圭璋世垢面步王孫述

蓬首帝宮嬙章嬰城爨宋骸世復矢鑿魯孀述

偷生走荒谷章庇身伏林篁世波道愕漂杵述

齧野慄鳴槍章宵征恟鬼燐世陣亡哀國殤述

跼隙縮跟尻章偵竇燭腎腸世津竭腭欲焚述

喘劇瀦如漿章懷綳掩赤舃世結帶牽瞑偃述

藉蕪成夜茵章拾芋備晨糧世獨跳萬鬼窟述

遠遊千里鄉章斗屋翳柴荆世瓢飲噍狔糠述
襁褓勤畝功章汗邪祈歲穰世鼎藜元不糝述
澗毛甘自湘章鶉居拙生理世犢禪餘行裝述
離群殊壹鬱章感舊徒彷徨世金玉邈爾音述
雲樹遙相望章不謂此盍簪世快意當紀澤述
各憐肌肉瘦章共歎鬢鬢蒼世入門促燈燭述
掃榻呼茶鐺章握手暢幽悵世開胸增激昂述
百年足悲吒章萬事終栖遑世顏網尚陵遲述
素食猶嚴節章孤媚豕更塗世能娛賢又妨述
齷齪但韜舌章技淚還盈眶世無心走城市述

有興歸滄浪

章

願言修初服

世

相將晚名韁述

園碁亂竹間

章

投釣青溪傍

世

一室共圖書述

三徑連門墻

章

與君即嘉客終吾以倘佯述風

期固難測世紛殊未央

章

聊將鬱律懷撫劍歌

慨慷

世

去年冬僕南行至鰲山聞趙君善述新
筭于琰原之土泉即冒雪往叩而持世
在焉二公得我數腴之色可掬剪燭聯
句天明別去後數日善述過僕於黃溪
更值雪夜續土泉故事祇以欠持世為

歎又數日二公同到黃溪宿一夜還往
土泉僕從之留連五晝夜文酒之樂頗
洽所聯詩僅千五百餘言二公藻思甚
壯如水湧山出以僕之蹇劣仰追逸軌
得無僭耶一別俄頃已復隔年雪窓風
燭徒入夢想間耳錄前後四篇時時閱
覽用破鬱陶辛丑初春歸到江都識之
李子敏宅作龍灣後會無餞洪輝世朝京
之行聯句二首

綠樹陰濃畫閣深

洪

雨餘微月吐遙岑一尊談

笑賒清夜

元復

十載昇沉見素心好事可能賡舊

韻

子離愁還自入新吟連年慣踏曾遊處幕府

青衫鬢雪侵

世輝

十一年前事龍灣舊勝遊

聖微

星槎曾半路杯酒

此高樓

芝峯

深樹風全息虛庭雨乍收

聖微

如何歌

吹地忽復動離愁

汝章

石洲外集卷之一

請誅賊子梁澤疏

伏以先王之有天下首明人倫以立教化誠以
綱常之道如天地之不可易也如日月之不可
廢也教既立矣化既行矣而猶慮夫賊仁害義
者或出於其間故制為五刑以威之其所以維
持教化者至矣世降俗二教化不行雖車裂體
解前後相望而弑父弑君者往往有之况無嚴
刑重法以威之則天下國家之事將有不可忍
言者矣臣等謹按江華府人梁澤弑其父本府

之民萬口一具湘等十六人聯名報官其一
鄉公論之致已不可掩而府使李用淳喬桐縣
監李億昌前後所檢打傷之迹考之無冤錄如
合符節以澤之弑父之狀無可疑矣而有司者
諉以疑獄不以典刑置之尋常之地到死肉壞
爛無可考驗然後託以改檢為名至於不可檢
則乃繫湘等十六人欲窮問言根所自出若將
為澤復讎者臣等竊惑焉今夫有司者豈盡無
父之人哉又豈不知弑父者之不可一日容也
所以矇矓揜覆以至今日者豈無其由乎彼澤

本饒於財盡賣田宅以行賄賂舉鄉之人實所
共知但未知入於誰門耳澤之弑父在於去年
七月而用淳之初檢乃在於十一月億昌之覆
檢在於今年二月其改檢也在於六月使天下
之大逆偃卧獄中以待其老而宰相不知其失
臺諫不言其非臣等竊耻焉嗚呼子焉而弑其
父尚能以貨賂自衛淹延時月以至期年之久
其他則又何說臣等竊見本府之民始聞此事
莫不張膽扼腕今則人人惴恐反以湘等為戒
夫始之張膽扼腕此天理民彝之不容泯者也

今之惴恐在上者使然也嗚呼為人上者既不
能明人倫正風俗使人行孝悌之道而乃使
綱常莫大之變出於畿甸之間又不能明示典
刑以快天誅而乃使自新之民失其本心臣等
竊痛焉臣等將見天地易位日月失次三綱九
法湮滅絕熄而天下之人父子不相殺者幾希
矣言念及此豈止痛哭流涕而已哉伏願 聖
下赫然發怒快示明刑使天下之人昭然知弑
逆者之無所容於覆載之間則天地既塞而復
開日月既闇而復明三綱正九法立而天下之

為父子者定豈不快哉豈不盛哉不然臣等或
將赴海而死或將被髮入山或將此走胡南走
越耳寧能坐視禮義之邦化為無父之國而具
然與禽獸為群哉臣等生於輦轂之下早蒙菁
莪之育而粗識彝倫之典矣流寓本府親見此
事義不容默然所以遷延到此者庶幾有望
於士師今伏見推考敬差官趙廷芝挈家而來
使梁澤妻孥出入於門屏之間所推喬桐律生
之招明白酌實而不以上達若是則弑父之賊
終無時而可誅也臣等不勝區區憤惋之至謹

沐浴以聞

雜述

孟春之朔二客過余有風肅然徘徊中庭客曰
異哉風風何氣哉荅曰盈天地之間一氣耳氣
有聚散有升降夫風者氣之迹也孰披拂是理
自爾也舉手示客曰客知此乎客曰手也曰手
之為手固也向也靜而今也動向也屈而今也
伸所以者何客曰氣哉氣哉余曰然氣非我有
也天也天者何氣而已理而已天有理氣萬物
以生在乎物自觀物各物也以天觀物物亦天也

又惡知風之非我我之非風二客相顧歎曰朝
來自外也在路者無非人今聞主人之教茫焉
異之永我身而不自得孰為人哉客出閉門而
記其說

倉氓說

氓有室于太倉之傍者不廢著不耕收每夕出
而夜歸則必持五升米焉問所從得不告雖其
妻兒莫覺也如是者積數十年其食粲如也其
衣華如也而視其室則空如也氓病且死密詔
其子曰倉之筭幾柱有窾焉其大容指米之堆

積于內者咽塞而不能出甬取木之如指者納
于窾中迎而流之日五升即止無取贏焉氓既
死子嗣為之其衣食如氓時既而恨窾小不可
多取鑿而巨之日取數斗猶不足又鑿而巨之
倉吏覺其奸拘而戮之噫穿窬小人之惡行苟
能知足亦可以保身氓是也升斗利之細者苟
不能知足亦可以殺身氓之子是也況君子而
知足者耶況取天下之大利而不知足者耶高
靈申質夫為余言

從攸圖說

世之游閑者群居無事則聯數幅之紙列叙官
班爵秩而附以升降黜陟之法削木為六面刻
德勲文武貪軟六字於其面如此者凡三顆於
是數人對局呼而擲之隨其所得而升黜其班
秩視班秩之貴賤以決其輸贏目之曰從政之
圖其來蓋久余自少時不嗜此戲見儕輩為之
則必麾而去之歲丙申客于湖南一日偶步出
野亭有數客方設此戲余從旁而諦視之有升
而貴者有降而賤者或始黜而終陟或始陟而
終黜疑亦有數存焉於其間也夫升而貴者未

必皆賢降而賤者未必皆愚始黜而終陟者豈
前拙而後巧始陟而終黜者豈前巧而後拙其
所以升降黜陟者既不可以賢愚巧拙論則但
卜其偶不偶耳嗚呼余觀夫今之從政者其有
不類乎是圖者耶或曰非偶也其機巧之智有
以致之此說余未信之

題握機橐籥後

右乃徐昌會際卿所撰也使際卿遇知於天子
用力於當世其功謀豈可勝道者哉而方且屈
跡小官與俗湛浮其瓌瑋倜儻之氣無所洩託

一書以自見悲夫世之懷竒見不得施設鬱
守窮廬者豈獨際卿余於是乎有感焉

跋竹窓遺稿

竹窓遺稿者亡友具容之所作也君天才甚高
未嘗苦學而所得無人其詩清俊典麗往往逼
古不幸早死秀而不實嗚呼惜哉余從其家求
得百餘篇撰為一卷傳之同好庶幾無致泯沒
君為人純厚質直有長者風在家無纖毫過差
居官能以愛民為心與朋友交義而信嗚呼其
不可泯沒者豈獨詩而已哉君卒之明年壬寅

仲秋石洲題

竹梧堂記

羽之靈者曰鳳出于丹穴飛于四海非梧桐不
栖非練實不食練實者竹實也高翔遠集與時
顯晦故君子有取焉余友林子定築室于錦水
之涯其園十畝鉅竹千挺切切交峙老梧一株
直堂之東隅乃以之二物名堂蓋即其所有而
託義於鳳也仲秋之日余往造焉語至夜山月
斜明梧陰在地有風颯然後竹所起徘徊中庭
轉入軒戶子定欣然曰此亦足老死無戚戚者

吾余應曰諾雖然時有否泰道有顯晦庸詎知
子定不踰踰而儀于姚熾熾而瑞于姪耶若然
者子定欲久有此得乎子定不語垂頭而瞻余
喟曰鳳兮鳳兮遂執燭以記今年萬曆戊戌余
花山權某

花下小臺記

堂之東有小丘其始棄地也孟夏之初課隸人
荆奧草去朽枿作小臺于櫻桃樹下其大受牀
其高及堂既成戴小烏巾手執唐人詩一卷偃
仰乎其上鳥聲花影不遑酒壺茶鼎之內余始

而適中而失其所以適終而未嘗適也未嘗不
適也或言必有脩簪廣宇而後可以游息者余
不信焉

伯氏行狀

公諱韓字汝晦先君之長子也先君初娶忠勳
府都事鄭公承休之女以嘉靖庚子正月四日
丁酉生公生一歲而慈氏卒公少敏於學既長
病酒廢舉子業居家不治生產少交遊左右書
史蕭然也萬曆己丑以門功補典設司別提壬
辰之亂脫身南走就食兩湖間癸巳奔先君喪

服闋流寓湖西艱窶屢年戊戌三月二十五日
寢疾終于大興縣女婿朴瑄之家享年五十九
無財不克返葬遂窆于其縣某鄉某原公平生
酷好唐人詩雖流離困頓未嘗釋手喜作七言
絕句語頗清新嘗夢作二句云來自空中來去
向空中去自知不能久於世杖策徒步行數百
里省繼母于海州歸數月而卒嗚呼可哀也已
妻某郡李氏判官光澤之女年五十八先一月
卒同葬凡生男一人女二人長女即朴瑄妻餘
未婚俱死於亂外婦之子一人曰斗星

石沈外傳卷之一
姊夫李上舍表石陰記

君諱晟字景明姓李咸安人曾祖曰世應封咸
安君祖曰霽忠勲府經歷考曰彥亨舉人妣文
化柳氏郡守德男之女以嘉靖庚戌某月某日
生君性孝友力學持身接物務合古禮既登司
馬屢舉不第萬曆壬辰海寇張甚君奉母逃之
山谷雖顛沛供子職益勤時流民食乏或以金
帛入賊營為市君痛禁僕隸不得與賊通貨八
月某日遇賊被害壽若干次子孝曾從死母柳
氏妻權氏長子孝閔及二女不為賊得收君尸

權厝于山嶺明年癸巳孝閔以二死又三年丙申權氏易棺衾窆君于高陽之尾窰谷二子俱無後女長適叅奉李瑱次適士人洪霽權氏安東大姓某之孫某之女有至性賢行哀君生不得有所施恐死而遂泯立石表墓且告其弟譚曰可無辭譚於是乎記時某年某月某日

祭宋聘君文

嗚呼天不欲使斯民見太平耶不然夫何以公之有志乎經濟而卒不得施耶天之保佑善人其卒茫茫而不可恃耶不然夫何以公之積仁

潔行而遽至於斯耶嗚呼卓絕之行宋博之論
吾不復見其人也方公之逝也我在西州其殯
焉不得撫棺而盡哀其壙焉不得視公之柩入
于土也豈但我之抱恨終身抑恐長逝者魂魄
有一於冥冥之中也嗚呼先民有言死者復生
生者不愧教公之諸孤卒以成人揚公之志行
以傳諸後儻可以少蓋前愆公其知耶其不知
也耶

酒肆丈人傳

昔者邵子居洛一日乘小車賞花於天津橋憩

于酒肆之傍見一老翁鬚鬢皤然鈎簾而坐左手獵纓右手指邵子曰汝非邵雍耶邵子拱而對曰然曰汝非折天地之和離陰陽之會漏神之機洩道之密以取媚於世者耶若汝者古謂之天刑之民邵子矍然逡巡而進曰夫子何罪雍甚耶雍自少時讀先王之書至于今四十餘年矣言不敢有悖乎理行不敢有違乎道夫子何罪雍甚耶丈人齏然而笑曰甚矣難悟哉子之惑也居吾語汝至道之精窈窕冥冥至道之極昏昏嘿嘿二儀相軋而萬化出焉者非有所

輔相而然也五氣順布而四時行焉者非有所
裁成而然也遠古之世其君愚菴其民朴鄙不
識不知乃蹈乎大方九天地之間有生之類裸
者毛者羽者介者鱗者惴栗者肖翹者趯趯而
啾啾者咸得其所若此之時可謂至德也已自
伏羲畫卦而大和散文王之演孔子之翼而元
氣^莊礫於是天下智者紛紛而起曰我善言易象
相與跪坐而說之為剛柔消長之辨者盈滿海
內矣是故雲氣不待族而雨草木不待黃而落
日月之光益以荒噫作易者之過也今汝盜竊

陳搏之餘論作為詭說命之曰先天之學誇奇
以眩俗矜偽以惑世噫亂天下者必子之言夫
邵子曰雍聞天地之精因卦以顯卦畫之蘊因
辭以著無非所以開物成務之道也夫子以為
過敢問有說乎丈人曰吾藏於酒肆百有餘歲
所釀日數十石而其味不爽故凡求酒者不之
旁舍何則以能知酒之性而順以成之也吾於
萬物唯酒之知吾將以酒喻道可乎夫酒之始
也渾然一氣耳烏有所謂醇漓厚薄者哉至於
醜之漉之壓之簞之而後清濁分焉於是醇者

以漓厚者以薄而酒之性遷矣夫至道之疑非
酒渾然歟伏羲醜之文王漉之孔子壓之而今
子又將篤之吾恐窈冥者昭然昏嘿者的然而
至道鑒矣然則所謂不敢恃者乃所以恃之也
所謂不敢違者乃所以違之也我率天地之性
而已何所知哉順天地之化而已何所為哉夫
一氣自運也四時自行也兩自施而物自壯也
而子亦放道而行而已矣奈何窈窈焉知之弊
弊焉為之以自聖哉邵子透蛇匍匐以面掩地
定氣而後言曰夫子之論至矣雍敢不敬承明

訓然竊有疑焉願夫子之卒教之也伏羲文王
孔子世所謂大聖人也而夫子之言若此然則
彼三聖者皆不足法歟丈人曰是故惡夫佞者
子歸乎吾口閉矣邵子趨而退上車三失轡慙
然不自得者間從者曰先生若有不豫色然邵
子喟然嘆曰我治聖人之術亦已久矣自以為
道在我矣今聞酒肆丈人之言我誠小人也
不敢更論道不敢更說易程子聞之曰隱者也
使
茅子徃求之肆已空矣君子謂自古有道而
隱
於市肆者若嚴君平司馬季主之倫多矣酒肆

丈人其言雖若不經然往往與老莊合所謂遊
方之外者非耶

郭索傳

郭索者吳人也其先曰匡佐神農氏得治胃氣
理經絡之術嘗客游秦秦人多病瘡者匡至門
瘡輒已自是郭氏重於秦匡子曰教教于越王
勾踐是時越王方委國政於鬪蛙蛙素習知郭
氏小之不為禮乃去自教歷九代至索索生而
性躁然有物外高致避世亡在澤中嬾跚勃宰
於蘆葦間務滅其跡不欲上人齒牙間江湖人

往往知其處造而請索不得已而與之遊人雖
盛設杯盤以待然非其好也有薦索於上者上
曰昔者太史奏井鬼之分必有異人豈索邪使
使強致之欲授以喉舌之任索兩舉手加額而
謝曰陛下有命臣雖赴湯鑊所不敢辭然臣介
士也薄於世味寧遊戲污瀆之中自快無為有
國者所羈因洙涕飲泣上憐其志且以其家世
有橫草之功詔以九江二湖松江震澤為索食
邑郭氏散處江湖間者甚衆而獨索能以風致
自顯所與遊率韻人佳士最與醴泉曹醇善相

許以氣味人或請醇索時時與俱往雖有悲愁
鬱悒者索與醇在其左右則必欣然樂也漢將
彭越之後有曰蜚者學擾孟之術能像索形貌
人視之不能別也然蜚外托君子而內實陰賊
士大夫莫肯待以腹心云漢武帝時有郭解者
任俠行權丞相公孫弘以法誅之或曰解即索
之先也或曰非也世莫知其然否
太史公曰郭索佳公子也剛外而黃中其學易
者耶觀其被堅執銳凜然有橫草之氣而卒死
於草澤悲夫世或以無腸譏索豈不過也

古石鐺銘

女奴於田中掘地得一物塊然叩之聲硤硤刺
土痕剔蘚紋乃小石鐺也柄三寸中可受二升
許沙以磨之水以滌之光潔可愛余命置諸左
右以供烹茶煮藥之具時復摩挲以戲之曰鐺
乎鐺乎與天作石者幾年巧匠斲而器之為人
家用者又幾年埋在土中不見用於世者又幾
年而今為吾所得噫石物之最賤且頑者其隱
顯之間不能無數也如此况最貴最一者耶遂
作銘以刻之得之日乙未正月十六銘之日其

月之二十三銘曰捨則石用則器

四吾堂銘

食吾田飲吾泉守吾天終吾年

閑居四伴銘

書載道渠載書書為筌蹄况於渠

右書可

大於壺小於甕小大之間適其用靈能受野以
酒下有禁禁過飲

右酒樽

枕用木二才二分憑而睡物化紛紜周耶蝶耶

請質於君

右木枕

其形也隅可反其長也身有半鋪而坐獨酌也
獨吟也藉而夢江湖也山林也雖有文茵錦席
吾不易也

右草座

梳銘

心不治不正髮不理不整理髮當以梳治心當
以敬

自警箴二首

勿謂無知神鬼在茲勿謂無聞不屬于垣一朝
之忿平生成讐一毫之利平生為利與物相干
徒起爭端平吾心地自然無事
人不慕萬乘卿相方可付萬乘卿相士苟愛一
分銀子便不直一分銀子





石浦五福堂
六五福堂
七五福堂
八五福堂
九五福堂